

Jangan kaitkan dengan isu perkauman

KUALA LUMPUR - Program matrikulasi Kementerian Pendidikan tidak perlu dikaitkan dengan isu perkauman.

Naib Canselor Universiti Putra Malaysia (UPM), Prof Datin Paduka Datuk Dr Aini Ideris berkata, isu kuota tidak perlu dibangkitkan.

“Kita dapat rumuskan semua pelajar tanpa mengira latar belakang kaum dan sosioekonomi mendapat peluang untuk melanjutkan pengajian mereka ke universiti dan dalam masa yang sama menghormati kontrak sosial yang dipersetujui oleh pembina negara bangsa sejak merdeka,” katanya. -

Bernama